

白華絳柎閣詩集

越縵堂集

會稽 李慈銘房名 悉伯小字

白華絳樹閣詩庚古今體八十四首

壬戌元日 目下壬戌

萬國瞻新政垂衣 二后賢病看元歲麻夢想中興年

哀痛求言切是日 兩宮下卹民是日拜 憂危命相專是日拜

協鄉邦勞 聖慮稽首戴皇天

壬戌人日作

烽火倉黃裏恩恩過大春前一日 全家皆陷賊今日尙

爲人生外俱難遂傳聞總未真東風將客淚萬里達慈

親

紀夢還詩

鮑明遠有夢還詩今用其語

夢中田里尚分明骨囚團樂話別程母子初逢忘問訊
弟兄相看異平生乍醒還喜歸來速稍定方知事可驚
鼓角五更天萬里披衣起坐淚縱橫

珊士自滬上奉母浮海入都始得家信知老親入

口避地柯山

書到猶疑夢風前忍淚看入山完眷屬報國誓飢寒里
巷都成燼松楸尚未殘羨君能奉母辛苦獨承歡

潘伯寅允卿屬題小像爲賦長歌

走也四載客京邑短筵不到公卿門光祿清流世眉目
獨念僵臥時相存早年文采動天下性分夙契忘寒暄

握手數人足隱蔽神明霞舉何軒軒詞林故事止香茗
離容馴足登台垣況君盛年比崔湜天子私人侍西園
咸豐季年國事亟共魴得政刑獄縣百司汗縮奉教令
四夷抵釁窺畿藩僉壬決策下殿走六龍已駕誰拔援
君當車轍讀彈事請斬二豎竿其元朱游未得上方劍
楚璋已出騶虞幡退焚諫草淚沾肌蒼梧莫訴心煩冤
柳伉疏傳翰林重汲黯身在朝廷尊乃知法從有真職
非徒簪筆偁璵璠魯者 宣宗治仁厚大臣敬禮如友
昆太傅廿年長揆席君臣一德情尤敦世家喬木國所
恃相門之慶鍾文孫神羊觸邪豈輕出鳴鳳應律無凡
喧梁洋不聞召陸贄保全終始 先皇恩方今天日正

開霽朝局奠定無翳昏君居九列憂忼慨白簡上殿多
危言近代卿寺例養望觥觥風力孤飛鸞封章每出四
海誦頗聞買絲繡平原澄清斯世自君責願蓄光采培
根源吳生儁寫真有神致寒冬四坐回春溫侍中風貌
玉界尺可知峯距侔崑崙自惟歷落笑桓茂更揣骨相
愁虞翻麒麟閣上速起稿犢轅畫我歸邱樊

周允臣員外

文愈

除夕治屠蘇閣中相款

惆悵風塵老此身劇來東閣吐車茵鑪熏翠管尊前事
燭影紅簾勝裏人客感惺忪千里夢歲華約略一年春
天涯此夕闌珊宴異日相思定愴神

歲盡日寄德夫二首

四載烽烟達楚囚隻身天地更何求
交游自咎貽親累
貧賤無能爲國謀
趙壹疾邪空有賦
孝標辨命竟誰尤
一年又盡歸何日
早晚鄉關雪涕收

一擲貂裘醉百壺
元龍豪氣困窮途
不將科第容風漢
頗避朝廷罵豎儒
哀樂過人知老至
干戈滿地尙飢驅
祭詩頑健年年共
誰問高陽舊酒徒

孟冬十三日得九月朔日舍弟書報山寓平安喜
書來之速賦四十字

書來稱得地日月自山中有意寬游子
惟言守固窮徵
兵聞頡利時俗英吉利兵將至
紀歲尙咸豐
經月郵筒達殷勤謝

雁鴻

擬古樂府四首

有序

樂府之作諒取比興爲變風變雅之支流餘裔
時有今古情無遷轉賢取其意而易其趣襲其
格而變其辭明代李王描摹景嚮笑齒已冷而
世之爲新樂府者競構巧語流爲俳諧又變而
失其宗予竊居京師辛壬之歲 朝廷多故閒
有所感雜拈四章辭或涉于憤世悵不離乎愛
君言者無罪聞者足戒後之覽者善逆其志當
不與種桃之詠秦婦之吟等類同譏爾

雞鳴歌

海雲瞳瞳紫皇醒
結璘流華當戶炯
可憐長夜酣歌人

壑谷沈沈半酩酊主人意氣豪且鑪華燈四照紅氍毹
玉驄列炬迎名姝坐客數十飄長裾中有一人雄髭鬚
高談豪飲傾玉壺清商雜奏笙筑竽主人富貴賓歡娛
賓極歡主大醉起酹三台星爲賓作十賚小兒八坐居
文昌大兒干櫟諸侯王羣兒相貴不可當酒百巡燭數
跋雞鳴一聲童失色童走告主人主人醉怒嗔坐客履
舄交逡循鐘停漏歇天下白主人駢首入請室可憐坐
客誰最親日望金雞采竿大

枯魚過河汰

枯魚過河汰何時悔復及

二句原辭

俗問爾魚生何方滇池

黑水何汪洋澼澼小鮎產鱖魴荷花三百里遊戲未

央解一魚潑刺兮飛上天揚馨水擊能三千蓬瀛一躍花

滿川液池清藻浮澄鮮天子賜顏色鮫鱗與周旋解二浙

西浙東一千里環以三江五湖水魚去十洲往游尾忽

潛忽見帝心喜解三雷轟電馳江海昏潢池鼃鼃翻乾坤

魚化爲鵬復爲鯢大江左右魚吐吞鼃鼃以外惟魚尊

解四揚鱗五采磨雪牙扈從千百鱗鱗鯊旁人不識魚疑

是龍與蛇鼃鼃斗起揚塵沙宛轉弄逆魚不如鰕解五忽

然網張魚就繫市人沽酒看魚磔刀砧在前魚啜汰語

魚不須汰江邪浙邪盡涸竭咄爾枯魚悔何及解六

烏夜啼

膈膈膊膊烏羣飛御史府中列柏棲朝來匿景桑夜啼

一鳥啼向曙羣鳥問何怒云昨有黃雀飛鳴公車署黃
雀萬里穿蒿蓬銜花直達明光宮主人覩花感雀意金
鈴繫雀穿花叢烏言百鳥自成列鳳凰不能私雀秩稷
聞鳩隼居上林不許鷦鷯傷堂密黃雀一心惟報恩飲
啄風露甘邱樊忽遭彈射誰敢冤由來反舌憎人言

君馬黃

君馬黃青絲絡頭生輝光君馬白錦障連錢驕玉埒汗
血不必求胡中鑄式不煩召良工尋常牧廐取不盡牽
來皆號駮與龍今日貢六馬明日獻八駿圍人太僕悉
充物繁纓蹀躞備承黃服驂纔出躡道旁吁嗟歎沙復
歎玉效駕不及驢與羊老驥低頭淚如雨孫陽滿前不

汝覩薦賢各已受賞歸且斲枯蘖狎堯豎

元旦後一日雨水書示周生文令 以下癸亥

春來頓覺硯公舒歲事從頭計有餘半榻茶烟下帷後
一窗鐙影受經初儻教門第誇行馬可使人才欠讀書
著作起家應不遠上車還問體何如

恩竹樊 恩錫

被

命以按察使赴山東軍營兼攝

鹽運使索詩爲別贈以長歌一章

深宮側席憂蒼生首述 遺詔延耆英中朝眾正盡布
列更求牧師資東征君家勛伐世衛霍文武才兼厲鋒
鏑早歷中外結 主知特畀巖疆著盤銘淮西淮北妖
烽橫出持憲節驅欃槍上馬殺賊下露布賦詩直搗鍾

離城兵驕餉盡獨稽杜瀝誠告 天扣 天鼓吾道由

來薄謫宜

聖心終念從征苦

昔前以皖臬總糧臺上疏忤旨降三級調用

解鞍暫獵終南山

龍髯一去無由攀

嗣皇徇齊

兩宮聖顧瞻河縣焦心顏嗚呼山左戰爭地控扼中原

作藩蔽尤來大槍千萬屯霸上棘門止兒戲軍書夜報

甘泉宮廷推頗牧謀僉同

制下九天促君起頓覺沈

岱生清風東海魚鹽國所利單車兼攝轉運使鞅掌猶

當未老時馳驅還是

先皇意回首西曹出守年三齊

棠蔭已連天

君先以刑部郎歷守沂州濟南

喬卿此去櫓帷異郭伋重

來婦孺傳我聞治捻異治賊聚爲揭竿散耕墾先剿後

撫編其豪指顧澄清在朝夕開府閭公今夷吾君相驂

新芟萑苻明湖千頃碧如玉柳營對映歌投壺傾都供
帳渭橋出濁酒一尊馬前別旌旗獵獵東作聲北斗觚
棱起春色山東李白狂酒徒不得君王丈二及索米長
安還自歎看人系贊 紫光圖

正月二十六日官軍合西洋兵自甯波收復紹興
旋得家書山居如故追感親族外義之眾及包

邨之變雜賦三首

朝聞捷奏至東兵收鄉國賊悍頗善守兩年僅乃克誰
何太西夷敵愾助討賊官軍廣招募隊伍各異色紀律
雖未明所至能逐北夷酋尤銳進中礮兩僵踣佛蘭酋勒伯勒
東攻昌安門礮炸外達耳第福攻唐用回紇兵何曾得
西郭門中火槍外皆照總兵賜卹

殲力豈非 國威靈驅策到西極鄉岷盡傳餉遂使賊
氣墨一夕啟門遁餘種悉誅殛頗聞城中貲盡爲彼酋
得大帥營信安江嶺阻崎仄未遑圖東顧且怒用夷亟
彼心弗可知況可爲我德持重誠老謀安危固難測

我家山曲處賊中猶王人及今克郡邑始傳消息真宗
族佐團練忼慨多致身殲者十四輩或未勝冠巾東鄰
狂秀才勇烈尤無倫賊至不有避云當成我仁持挺與

賊鬥嚼齒都穿齟攢刺殲不仆雙眸猶怒瞋

族父生員肇丙與賊

力門殲時年六十餘

下至婦女輩臨危志逾振拒戶趨烈燄禮服

沈洪齋

族兄星泚婦沈氏衣品服投河殲族妹金李氏闔扉殲于火尤慘烈此皆

國家

澤教養所由臻亦緣先世訓節義能勉循殲不辱吾祖

聞之氣爲伸獨念并命苦涕淚還沾茵

江東節概士山水氣所聚君子人六千其風蓋已古自
邁青犢警屢聞義旗舉彈丸包家邨谿深嶺盤阻一夫
奮臂評響合遂成旅取石爲發機縛離當堅鳴賊來齊
出盪穰矜雜機斧所當輒披靡袒裼氣如虎廂圍至相
屬主客十萬戶悍賊更迭攻僵仆不可數渠帥矜指麾
猝或飲強羽血流斷瀾壑填谷半獒獠相持幾經年力
竭困暍暑礮火天晝昏焦爛尙掌炬臨命無一逃骸骸
照林莽賊顧相歎咋此真忠義侶我來自粵西未值此
強禦東越大有人甌閩且緩取今當大滅賊白骨定不
腐想見深山中英靈走風雨舉事雖不成南疆藉檣柱

吁嗟倡義起乃出一田父視彼九列尊豈直同糞土

夕陽時看海棠得雨絕句

忽忽年光淺醉中清明過了尙多風
鮎窗罷繡寒初覺添得疏簾一額紅

燕飛庭院畫初長淺絳籠烟欲斷腸
恰有丁香花似雪粉牆低處襯斜陽

潘星齋丈爲繪柯巖消暑便面賦兩絕句爲謝

綠陰清晝罨柯巖四壁泉聲入夏寒
十載長風林下客池塘今日夢中看

畫裏居然起草堂瓜疇墨法孕香光
他年桐帽清谿側長采金英寄侍郎

送壽王谿孝廉祝堯出宰粵西

碧玉青羅桂海邊，驂鸞萬里勝登仙。雲深賀嶺啼猿路，

木落離江斷雁天。荔子歸期慈母札，

玉谿家寓廣東梅花眷屬

令君船陸家。片石初心在早辦，城南二頃田。

題家仲京比部

鎬

聽瀑眠松根圖三首

五字仲京舊句

天台石畔記三生，昨夢分明畫國清。一路古松深雪裏，

坐聽巖瀑裂冰聲。

甲寅戊午兩次病熱危甚，俱夢至天國清寺坐石聽瀑聲而愈，疑前生

此寺僧也

蓆帽紅塵太可憐，一官賣盡故山田。空庭落木蕭蕭夜，

麥顚風鏹聽煮泉。

吾宗花萼擅清才，烟思居然五字推。何日相期投劾去，

屹峯頂上看濤來

仲京家駝峯之前爲三江海口予當賦駝峯觀濤歌

癸亥生日作是日大春入曹視事

生日逢春至高堂定慰情一官隋左戶

隋始定左戶等二十二曹郎中

廿載魯諸生冗散初叨祿

定制部曹學習諸員皆無俸惟戶部給養廉銀鄉關

漸息兵

是日邸鈔報杭州垂克

況逢元稹始

衛家謂明年交上元

將母祝昇

平

甲子正月十一日家慈六十壽辰同人過祝畱飲

賦謝

以下甲子

獻歲欣逢壽霞觴小肩筵祝釐承友誼未老喜親年遠

道蘭堪采家山月漸圓春暉燈節麗舞綵碧巖前

舍弟書來

將以是日僂觴千七星巖

喜聞官軍次第收復蘇州嘉興杭州常州二首

兩浙軍聲齊大捷一時回首望南方
山中草木知春色江上旌旗耀日光
逆賊天亡爭解體旅人淚落計還鄉
山東淮北俱清晏便擬三吳一水旂

使相行臺總百司專征開府半軍諮
誰云南楚縱橫壘不及臨淮節制師
七聖歎貽冲主業百年眞見中

興時江南天下膏腴地元氣艱難仗護持

銅雀伎

漁洋集中有此題戲補其意

總帳淒絃鄴水旁可憐宮裏已催妝
五官外晚將誰恨阿母從今不據牀

生小五絕句

生小江南玉樹花春明爭賭玉鴉叉
摩訶池上年前月一曲淋鈴記內家

子晉吹簫合是仙芳風壁月想華年
簪花更愛眞珠字多上吳綾白研箋

桃葉桃根總出羣賀家絃索廣場聞
月明風細人聲定誰問當年白練袞

鳩鵲新開乞巧樓聚花簾外月如鉤
當筵掩扇生疎意三載人間許散愁

櫻桃花落在天涯聽到吳儂倍憶家
知否萬年橋畔月滿船燈影試琵琶

首夏薄暮倚樹讀書遂爾成詠

韶景不可駐老樹初敷榮宿雨夜來過廣庭有餘清羈
人倦永晷讀書寡所營出戶仰喬柯晚晚斜陽明埽地
坐其下喜與新賞并緒風自何來眷此弦歌聲暮禽亦
已返交交相和鳴掩卷已忘得但見芳草生取適匪在
家幽懷暫爲盈應令千載下想茲嘉譽情

午臥聞新蟬思故山作

綠陰靜當戶睡覺聞新蟬初似縹斷絲漸若調生絃清
風爲之引紆徐成孤妍微物孰爲感時至情乃宣吾生
何鬱鬱勞歌空悁悁語默不自主媿此物理全羈耳倏
已滿煩襟殊相煎景光豈能駐遣病爲我年行將假羽
翼歸去冀息肩潔清本素盟山居多幽便及爾選嘉樹

朝夕同芳鮮松窗足高臥吟詩飲清泉時或扶老母倚
杖柴門前卽事有佳聽會當券斯篇

瓶中新插紅荷花數枝

江湖鄉夢落誰家簾幙通明日影斜柏子罷裹茶未熟
且敲高枕看荷花

贈沈曉湖孝廉

寶森

牢落邨居少往還天涯相見倍相憐懷中涕淚三年刺
亂後桑麻一頃田有弟持家能作苦爲親捧檄定誰賢
何時得就歸耕約壽勝山光共結廬

曉湖家壽勝山
去柯山僅里許

雨夜戲效義山無題四首

畫簾疎雨隔微塵獨夜房櫳易愴神淡墨羅巾燈畔字

白圭集卷之四
小風鈴佩夢中人難銷碧玉當年恨畱得文簫舊日貧
除卻小敷山下路天涯何處更尋春

潭水閒門倒影斜金鋪深掩玉窗紗驕驄日夕偏知路
乳燕春深未定家銀燭慣侵三五月銅壺低隔一分花
江湖側帽填詞客長與年年減鬢華

小別東風不自由香車油壁幾句畱難忘玉手拏簾笑
誰遣蛾眉滿鏡愁鶯語畫屏人倚瑟蛛絲小幔月當樓
銀河有信誰相待瀉作瀟瀟暮雨秋

咫尺青鸞便斷聞漫書花葉寄朝雲燈前秋扇畱殘滴
雨後春衫發故裏楊柳長爲牽恨物薜蘿新著懺愁文
多應終古沅湘水翠被蘭舟怨鄂君

兩生行贈德夫

陳生氣雄萬夫敵李生稜稜骨山立大鵬希有豈再遇
塵海湛冥眇人識今年花月天街開九門車馬奔如雷
兩生狂呼典裘出鐙毬樂使嬉春來杜秋能歌善財舞
痛飲拍浮過三五回頭忽見槐花黃努力窮經各閉戶
人生不得行胸懷雞蟲得失何有哉漢書一尺足溫卷
時與德夫同治漢書何物免冊埋浮埃金陵昨夜大奏捷十年鱷
窟一朝得朝廷五等廣行賞百司盡予轉階級兩生
偁妮何所求非吏非隱金門遊告身未得博一醉獨抱
蒼生根本憂

秋夜夢逝作

初涼就蘭夜病懷恹枕簟合衣遂成夢前塵忽在眼芳
魂趁雨至映燭故掩斂欲卽翻復離俱倒睡中厭俗作
猛醒心惺惺餘香鼻冉冉風葉颭虛廊隔簾數秋點

將進酒

將進酒客不言蒲桃潑醅白玉鮮明妝翠羽列四筵所
思不來心悄然琵琶錦槽停莫彈簾外琤琮作風雨楚
天環佩迭秋語蘭芷香近不可招主人勸觴客勿舉華
鐙皎皎月照堂羅襟淚落珍珠光鸞扇回颺君在旁欲
卽不卽心徬徨百年此頃胡可常秋星落酒酒波綠門
外驪駒早結束主人畱客客不回堂上卷簾滅殘燭

東飛伯勞歌

東飛伯勞西飛燕
蛺蝶雌雄難可辨
美人娟娟隔暮雲
湘江秋水裁舞裙
陽臺一曲花繽紛
明珠百琲穿紅縷
快意傾家買君顧
願君玉顏暫時駐
雙雙鳩鵲填銀河
鴛鴦隊隊游錦波
人生會少離別多
伯勞飛燕奈爾何

喜平景蓀編修

步青

入直上書房

詞臣三載步螭頭
詔直經帷禮數優
花迂佩環通紫禁
風傳琴瑟在朱樓
詩書本分原無忝
衣食平生豈待求
卻笑青衫同學侶
華顛猶蹋省門遊

景蓀與予同補諸生

秋日雨窗遣懷

薄雨侵幽幌
欄陰窅地長
細商杯底語
愁見舞時妝
硯黛生微潤
瓶花養宿香
芷蘭秋不歇
何日罷思量

有人自汴來追述亡友陳閒谷旅殯之況泣然賦
此時閒谷妻子亦盡沒於賊矣

汴水蕭蕭送素旌故園回首痛巢傾百年零落清門業
萬里淒涼旅鬼情可尙晨昏依老母祇慙風義負平生
魯連王斗俱凋謝腸斷山陽笛裏聲

自辛亥至乙卯五
年中惟魯蓉生王

孟調及閒谷過從最數孟
調先逝蓉生亦外寇難矣

中秋月夜題試院壁

樓殿空明一鏡圓靈飛小謫地行仙羽衣八百俱年少
誰記吳剛斫桂年

冬夜題曉湖因樹書屋詩集二首

松圓風格霽山思冰雪梅花絕代姿恰是夜窗寒月上

殘燈苦茗對君詩

彈鋏歌成客裏貧登樓頭白爲思親鄉園兄弟兼師友
淪落天涯得幾人

九月望日偕同官義州趙心泉主事

鴻儀

邀黔西

徐介亭郡丞

皋

嘉魚李爽階縣令

士璫

宜昌王

鼎丞孝廉

定安

飲天甯寺賞菊

聯騎城西出尋秋到上方林烟亂茶火塔影界花光夷

語紅城酒

是日有法蘭俄羅米利三國男女會飲山上

吳歌紫鵲裝天涯惜

良會分策又斜陽

邊詞三首

聞說陽關外烽烟徧列城天山半輪月猶照漢家營

急驛朝傳赦刀環望總休可憐蔥嶺水日夜向西流
絕漠三臨蹕犁庭兩出師至今伊列水長繞御書
碑

日晡過梁家園

日落驅車過荒園尙姓梁夕光生積水秋意眷疎楊橋
小人聲聚原空馬影長當年游宴地裊屐繼漁洋王漁洋有
借宋荔裳鄒計士
泛舟梁家園詩

月下聞歌二首

歸夢青山隱薜蘿天涯青淚月中多何當夜夜松林下
腸斷桓郎一曲歌

白紵翻成子夜新玳筵銀甲又經旬分明笛裏玲瓏月

照到瓊枝軟舞人

以菊花數枝寄德夫

湖海元龍氣已銷
年年失意鬱輪袍
不須痛飲稱名士
紅燭黃花對楚騷

送李爽階進士出宰天台

天台之山天下奇
高切霄漢橫地維
生偏海東不得地
不然五岳焉能齊
華頂千尋擢金闕
萬古清暉凌日月
青冥浩蕩開洞天
下視蓬萊特正埳
李侯十載長安居
凌雲獻賦摩天衢
一朝折翼下三島
仙官特荷奎章除
秋風握手五陵陌
意氣相傾吐肝膈
由來儒術在牧民
豈爲長貧慰捧檄
長安酒樓十里遙
玉缸萬斛銀蒲桃

吳兒翦髮倚樓笑明燈一曲星辰高
爨笛紅綸過重九
宿醉未醒忽分手行裝半擔烟雲輕
馬首雪花大如斗
台於浙右號瘠區荒城亂後人烟疎
看君拊循起凋敝
麥苗春雨隨軒車神仙作吏赤城樂
衙退讀書對巖壑
開簾琴筑亂飛泉時見瑤花印牀落
我亦名山契夙成
國清舊夢記三生
予未生時先大母倪太恭人詣天台國清寺設齋大施衆僧
奉母攜筇至同聽松間布指聲

燈下讀爾雅偶題三絕句

理學須從識字成
學僮遺法在西京
何當南戒栽花暇
細校蟲魚過一生

郭注邢箋總不刊
近來邵郝更精殫
漢文博士何時復

欲竝三家大學官

名物山居靜可擊光陰炳燭惱中年窮經更有陳京約

補勘毛詩與鄭箋

時與德夫約明春結伴南歸德夫欲治毛詩予謂非先通雅詁不能治詩

也

嚴寒入署戲詠二律示曹中諸君

小來粉署曳鳴珂負手茸裘祇自哦豈有朱儒因粟飽
亦知星宿笑人多森森都是槐楊未了了無如令史何
賣卻鑑湖真底事一官那得抵漁蓑

畫諾虛勞問姓名綠莎廳少履綦聲低睂總覺輸公等
捉鼻深慙動宦情誰信情流爭此地絕憐款段負平生
貲郎豈是相如意多爲淩雲賦未成

夢歸故居得詩四句云清電龍堰出急雨虹橋來

微雨過西郭片月生下柴俗作寨上二語是直河

景下二語是橫河景也醒而足成四絕

清電龍堰出急雨虹橋來蓬萊驛門下不見估帆開

碑石何亭亭千百臨官路山高復水清風生女貞樹

橫河一曲長釣橋相映帶時見出城人微茫度烟靄

微雨過西郭片月生下柴遠見邨火生知在梅谿外下寨

梅谿皆郭外小邨名

甲子臘八夜感書四首

六向天涯度臘辰年垂四十未歸身故園此際家筵罷

猶續松明待遠人

誦經閣上髮垂肩記得偏承大母憐據地繡襦膜拜佛
夢回二十二年前太母兒太蒸人建絳跼閣奉觀音是日盛設齋供自壬寅冬大母見背不復舉是儀今二十二年矣

四處聲傳獨夜風年簫臘鼓太恩恩可憐魚粥初香際
紅燭淒涼是客中

明月宵來特禁看屏除臘酒淚闌干閉門料理茸衾穩
將息鑪香過小寒是日小寒節

冬夜煎茶偶成一絕

瓦罐風鑪自在煎蕭蕭石火客中緣何時藤杖柯山去

獨向雲深理舊泉

柯山祇門寺前有蝦蟇泉

偶閱放翁詩集中多及紅橋三山紅橋予舊居三

山又先疇所在也慨然有作

鑄錯貲郎柰若何渭南詩裏感懷多三山田墅紅橋宅
換得春明一曲歌

德夫外八日矣哭之悲甚不能成詩今日聞其出

殯龍泉寺病不往送夜坐聽風悽然賦四絕句
丹旄蕭蕭出近郊故人虞殯對僧寮荒蘆殘雪鐘聲裏
出世清涼第一宵

棲託蒼涼醉外天空山三歎罷朱弦無人更賞蕭寥意
掩戶聽風絕可憐

霜月街行挈短童談經夜夜與君同眼前別是人間世
燈影書塵似夢中

法界傳燈悟未成

德夫病前嘗以傳燈錄指月錄置案頭

迷家窮子已三

生上堂鐘鼓恩恩了一盞靈牀卽化城

祭竈日爲德夫賦招魂辭

天門蕩蕩迎竈皇東家西家祭黃羊爆竹千聲萬聲起
羈人淚落心徬徨年時君作金門客每聽此聲動魂魄
孤鐙兀兀羅酒殺推案淋漓起不食電光石火不可停
回頭君馭風輪行今夕消搖在何許地下還應無此聲
覓爲旌兮雲爲馬顏倫蒙公俠君駕排闥大叫巫陽奔
司命傴僂伏轅下頤指六女麾稚孫帝命導君還里門
下瞰鐙火淮流晷官舍雜沓陳瓦盆老父焚香婦鏡卜
祝君早歸薦春醕

君尊人時官淮中鹽大使尚未聞耗

甲子除夕獨坐守歲追悼德夫

淚光燭影年年事
今夕悲君不復同
地下差無逋券到
前期回首酒杯空
去年是夕飲君齋中
生盆夜色千家雪
爆竹邊聲萬里風
等是窮途人鬼判
獨將孤憤叩蒼穹

越縵堂集

會稽

李慈銘

原名模

恐伯

小字蕓客

白華絳柎閣詩辛

古今體八十八首

乙丑元旦作

以下乙丑

手撥冬鑪火回看歲又陳青編映新曉紅燭接初春老

漸難爲客貧猶可奉親三年叨冗食

周禮冗食鄭注謂畱治文書若今尙

書之屬諸直上者蓋漢時尙書有散屬

號冗官其給食無常例故謂之冗食歸作太平民

人日游廠市歸悼德夫作

去年人日無酒錢從君偕書仰屋眠今年人日貧猶營

獨自題詩淚沾肌年年烟景開帝鄉黃壚吹徧春風香

孟公已化甕頭土從此人間無酒場洛市偶然障方麴

俊馬高車怒相逐眼底紛紛此輩存撫棺誰向城南哭
凌雲一笑安在哉江南千樹梅花開夜夢邀君故山去
對飲花前三百杯

人日寄曉湖

梅花人日草堂前久客逢春倍自憐尙有天涯兄弟契
幸過鄉里亂離年酒香畫鼓邨頭社燈影青山客裏船
爲語東風歸計準南湖烟月占君先

首春玉竦橋前書所見三首

翠翹珊絡錦貂裘車壁深深映綠油欲揭珠簾羞舉腕
爲君側面盡風流

長記秋波小注時御街難得馬蹄遲分明流水宮前影

消盡年光總不知

綠幘平頭綴馬旁
路人道是內家裝
多情一抹西山黛
來與釵邊補鬢光

商城相國屬爲侍郎承恩侯某蹟所藏慶文恪公

慶桂聽泉圖侯爲文恪女孫壻也

通侯家世聯貂蟬
金題玉躐羅雲烟
錦屏絲竹紛滿前
愛好乃獨圖書偏
脂田媵畫清芬傳
鈿匳百具誰能先
翳管文恪佐樞璇
三世宰輔才且賢
承平黼黻乾隆年
優游退食娛林泉
瑤華繪事追熙筌
圖爲宗室瑤華清主人宏旂所作
流竹石都便娟
披圖示我情悠然
恍如身入清涼天
鳥啼花落空庭鮮
高齋春晝調琴絃
瓶笙百嚮茶鐺煎
屋

上琮琤落飛湍耳根寒玉鳴濺濺紅塵軒冕相拘牽江
湖歸夢心徒懸對此靜坐忘言詮題詩聊結丹青緣

花朝夜飲聽沈秋歌懷德夫兼示其弟邁夫縣令

鵬

煥風明月趁今朝旅節傳杯不自憀曲檻花光添酒豔
小窗燈影向人嬌交遊已歎無陳重歌舞何能遣沈翹
又是窮涂同作達人間地下可憐宵

見新柳感賦

三月燕臺楊柳新風前珍重舊腰身天涯淪落傷春客
獨自攀條憶故人

過德夫梁家園故寓

腹痛驅車地談經隔夜臺蓬蒿餘涕淚風日異徘徊造物終何意斯人萃百哀梁家園畔路春色爲誰來

乙丑送春絕句四首

寂寂鈿囊黯縷塵玉衾扶睡已經旬果驪酒楹花之寺

誰照紅妝賦餞春

近期同人花之寺賞海棠以事不果

豔絕春江花月篇一灰堆裏定誰憐典衣買醉恩恩甚

鼓子花開了七年

予以己未入都近已乞長假將歸矣

東閣無因翫物華虛聞海上酌流霞滿城桃李都他屬

閑煞中州宰相家

是年商城應得主文以廷議事迺改黃縣

蓬萊雲色靄曇堊天上風光未易知莫道層城春似海

碧桃花發不多時

五月初八日出都門作二首

溫風拂拂起刀環
攬轡依然宋寔還
豈有聲名驚日下
祇期身世老田間
入貲司馬仍歸蜀
棄傳終軍又出關
差喜白雲思漸慰
一鞭萬里指吳山

夕陽還望鳳城闌
天際觚棱獨愴神
尙荷 朝廷容冗
吏暫將名字託詩人
七年南北難回首
百劫滄桑感此身
行李平安眠食穩
問持何事答 君親

夜宿楊邨雨中聞歌二首

荒邨柳外夜鷗啼
壞壁塵昏覓舊題
一例淒涼燈畔雨
可能還到鳳城西

戍櫓三更作意催
邨歌斷續爲誰來
泥牆野店瀟瀟裏

獨自銷魂第一回

天津雨夜夢德夫

旅店燈昏對短檠故人相見似平生同歸竟負當年約
後人徒傷獨夜情千里魂來淮戍燹五更夢斷海潮驚
聯牀聽雨前期在腸斷空堦點滴聲

出大沽口感事追弔故帥僧忠親王二首

七二丁沽勢宛延千秋渤海靖風烟由來碣石侮天險
誰遣神州不自全苑牧漸侵回紇馬商胡翻恃島夷船
可憐好片金湯地忍語崦嵫築館年

萬里風生舶艣開茫茫極目事堪哀可知廢壘三年戍
曾得賢王百戰來草木已生盤馬埒風雲猶護瞭鷹臺

匈奴未滅精靈在夜半波濤走怒雷

梅雨中至申江三首

春申城畔卸征帆夢裏朱樓路尙諳
烟樹濛濛吹笛路又隨梅雨到江南

盧橘含桃取次遲

盧橘實非枇杷今俗用之

年來鄉味不禁思鵲鳩

聲裏絲絲雨正是楊梅上市時

茗芋情懷黯淡中裏衣生怕熟梅風
分明襟上離人淚併向今朝發酒紅

閨端陽節滬上遇王敷廷縣令

觀光

邀同鍾愼齋

孝廉

觀豫

飲夷場酒樓復同聽汪翠娘歌

鯉魚風裏泊茸城寥落相逢幾弟兄
醞醖又傾重五節

琵琶初試第三聲

翠娘琵琶解吳中第三手

香依鏡檻夷花豔音接

茶鐺海唄生誰分他鄉今日醉紅樓江上不勝情

晚泊嘉定黃寶鎮看月

一抹江南月相看倍有情邨深燈火出橋斷野烟生亂
桺穿螢影叢蘆起蛤聲清輝知不厭多謝照歸程

舟入青浦界始見湖水縠紋碧鮮喜而有作

七載客都下所乏惟清泉一泓偶如玉愛好忘餐眠及
今汎遼海曼衍浴百川浩蕩固云足色相初未專朝來
入青浦始絕黃流緣泖湖滙茲地澄波生遠天塵眯頓
爲洗綠照雙瞳鮮迥然媚行客導與輕舟先悠悠態能
悟涓涓聲或傳儼若相勞苦問蒼無與宣微雨一以至

五
穀紋散眾妍魚柴點磯星菱塍界渚烟遙見菰蒲根時
泊鷓鴣船水物漸可數遂覺淵理全寄謝紅塵客寶此
碧嬋娟

雨中過秀州晚泊石門聞歌二首

夏水生時雨不收秧田瀰瀰歇耕牛

時鉞中大水漫入浙西綠楊

漸長居人少一路蟬聲過秀州

自別秦青斲酒尊黃昏擲笛倍銷魂可知今夜三千里
細雨孤帆宿石門

進杭州北關見湖上諸山

百戰臨安劫後塵湖山都換舊時身多情只有黃妃塔
猶自含烟待遠人

武林喜遇孫蓮士自端州歸作長歌贈之

滿天梅雨江水平
林檎落枝鷓鴣鳴
我自北歸子南返
相遇各在臨安城
七載別離慘無色
重趼星霜異鄉國
吹簾乞食不復聞
萬里相望等悽咽
憐君故是碧眼孫
平生意氣凌昆侖
彈文一落俯對樽
夢中局縮排天門
黃巾百萬下吳會
礮雨夙林晝爲晦
艸間躡迹探妻孥
夜遁賊營托獠隊
端谿瘴水蒸蠻雲
魑魅白日嬉人羣
荔支如火得飽啖
吐詞纖徧花桶裙
卽今滄海漸填塞
幕府征南大平賊
努力生還都有時
握手相看頓非昔
君鬚鬢鬢頗欲髯
我亦羸瘦凋朱顏
相逢忼慨無慰藉
歷劫不舛非衰孱
兵火之後乏元氣
漆室私談急調劑

志業豈爲飢寒輕和平差免鬼神忌越人新召陽侯災
海水高過無諸臺薄田一頃盡黿窟遑能衣食營蒿萊
造物此中當有意共君早定千秋計敢謂吾道恃此身
須識文章本餘技王郎早外孫郎衰謂孟調子九帳中人物
空徘徊安得青山一弓地白雲相約著書來

渡錢唐江二首

江身如帶一舟杭近指西興便解裝七載亂離人九外
居然今日渡錢唐

千巖突兀墮襟前劫後蛾眉尙自閒卻憶黃塵京輦下
馬頭遮扇看西山

到家作四首

久旅日思歸歸來異門戶阿母出門看嘈雜亂鄰語幼
弟長過我將迎入衡宇不遑敘亂離且問道途苦兩地
叢百驚萬幸得一聚故人適過慰歡忻具雞黍

是日鍾
慎齋弟

適過
訪

對食忽歎懷胡爲此堂前先人五畝宅守之三百年及
我不克保宗祏隨飛烟憶咎別家日門庭幾流連局我
讀書樓插架多奇編周廊數巡繞花樹垂便娟回頭語
諸弟不久當行旋幸爲勤婦除長此安誦弦豈意賊烽
酷閭里無一廛世德示樸陋厯劫猶弗延嗟彼新秦里
華閼常連阡

姻戚喜我歸聞聲各來至問我去七年所得果何事俯

首不能答此實慙厚地儒冠非誤人變計就貲吏躬耕
豈不好乃覲分外利交游一不慎失足爲親累浮華思
躁進出處昧名義灑西屋不守池陽田盡棄鬼域幻百
方生還幾難遂自反亦多僞虛僞狎非類鍵戶簪抱經
此出豈初意

賃居在山曲漲水浮階前門外何漹泔波浪生平田聞
昨五月晦夜雨決百川城郭僅半露危橋上行船廬冢
大穿壞漂棺亂棖椽家家宿屋脊百里無炊烟越人何
不弔兵火仍凶年艱苦存子黎浩劫重滔天彼蒼豈不
仁民俗誠多愆此理亦難信人豈無愚賢白華在何許
失業徒自憐

夏日破曉自西興渡錢唐江

纔歸行復出破曉問江津海日明龕赭山烟接富春牛

車涼漫水秧擔綠隨人

時越人俱買稻秧于浙西歸補種之

滿目流民畫

勞勞歎此身

予此行以振災免賦事乞中丞奏請爲鄉人所扼終不見從

初秋夜還柯山邨寓四首

月落湖塘邨人間鴛央渡靜聽柔艣聲搖入湖心去

淼淼五洋水

柯山第五橋外大湖水人評曰大洋亦曰五洋

漁舟就烟宿人語

時弗聞草際蟲聲續

纔經第五橋已聞普照鐘歸邨不識路惟指柯西峯

豆棚坐新涼田家飯牛畢柴扉半已關行人何時歇

秋霽微陰獨行出邨橋循野田度鑑湖第五橋至

朝陽寺而回

積雨得秋霽出門娛清暉微步出邨口憺與山水歸麗
矚遠逾曜涇翠近漸微平橋若爲設暫此收烟霏新漲
已及岸田禾交風漪循畦相宛延徑欲投巖扉古寺始
何代日掩行人稀緣流寄容與目極孤禽飛自維苦勞
役還山罕所期及歸復多事心賞輒我違趣洽理斯愜
庶幾達者希

微雨中過湖塘二首

久客歸來認舊湖青山無恙繞邨廬稻花大放菱蓬綠

一幅閒居奉母圖

越人評菱之
根葉曰菱蓬

西跨湖橋雨到時

偏門外有跨湖
橋故此以西名

四山烟景碧參差白

雲忽過青林出一角斜陽賀監祠

中秋夜同人泛舟至梅山寺對月設飲聽琵琶

泥金畫舸載桃根璧月團欒滿寺門榻畔茶香依翠鬢
燭邊山影落清尊泉圍曲几花都亞露冷燒槽玉自溫
容易百年逢此夕青天碧海總消魂

雨中寺樓聽度曲

瀟瀟歌不歇茶熟更香殘雨意催絃潤泉聲繞指寒秋
花依翠磴薄蘚上紅闌鬢影禪牀畔楞嚴自在看

題微凡上人遺集後

并序

小雲棲凡公與予爲方外之友所箸募梅精舍
詩集予爲序之以行己未予入都凡公賦三絕

句送別有云談元客去茅菴冷窗外梅花共此
心予皆和其均又別有寄懷長句未及寫寄而
越亂作凡公遂怛化去今歸重閱其集後有續
効數篇予所未見者也窮子還家化人度世靈
徹斷金英之采已公無茅屋之畱覩此遺文追
尋管契燒豬糞筍流連縉俗之間調水買山商
略烟霞之表松枝捉麈雒尾提鑪凡舉勝緣相
期歸老而劫塵未滅慧業先成遠公含笑於盧
循道安償債於苻氏桃花入度桑下坐忘篇偈
猶新風流永絕問茶毗之塔竹徑烟蕪繡珠林
之藏經樓雲嬾

凡公舊藏有宋刻法苑珠林一部其祖師也香和尚手校爲周

氏兄弟強篡去凡公常惋
恨之嫌雲樓中香誦經處
木叉幾墜蠟印虛傳
擬怨別于惠休異吐呪之羅什
梅林火後黯黯
定雲樨子圓時明明愛月爰題長句以釋慍情
佛火蒲團世外身講臺合眼了前塵到門鐘磬誰相款
繞塔梅花尙自春別後詩篇多憶我歸來俯仰獨傷神
祇應夢裏王文度重見平生竺道人

慰高次封太守

貢翰山東利津人乙巳進士由戶部郎出守紹興時與予俱被讒

廿年郎署繫華纓出守清風振八城我似張溫太分別
君如成瑨少逢迎由來道義多招誘豈有循良易近名
仲寶莫嗟鄉誼惡浮雲何礙鏡湖清

寄馬穀山中丞

新貽

早擁旌旗江上營
眾頭開府是專征
獨持鎮靜調元氣
未免周旋狎老兵
閉戶自知劉勝節
薦賢虛累呂安名
謂呂定子編修時在幕府
翫士夫之不肖者以公傾倒鄙人遂并誦公及定子焉
白雲蒼狗何須問
談笑能教萬里清

贈梅山寺僧隱松

四圍金粟證聲聞
瓶鉢歸來補衲勤
簾外松聲傳水咽
佛前燈影過山雲
長貧誰借卑田院
多難新畧淨土文
喫飯打鐘吾願了
經樓一榻有相分

陳珊士樞自京至杭其子渡江來告賦此以當大

招
以下戊辰

西風斜日牽江船
故人桐棺來自燕
素旄飄蕭記官職

道旁見者皆潸然君生與我齊年齒孤童掇科取祿仕
三十頭白由苦貧四十爲郎竟長已前年我歸哭周侯
雪颺比部去年孫楚歸山邱連士太守今年又復慟君訃而我朱
顏安得畱元化推遷古難必豪傑聖賢同一垤苦耗心
血畱文章難得黃金買功業君今有婦能養姑兩兒解
事能讀書小兒稚女不索襦歸享貧賤無憂虞君幸返
眞游太初脫離羈縲周八陟況復泉下多酒徒我今哭
君何其愚

王眉叔訓導

詒壽

曹文孺縣令

壽銘

寒夜偕過卧

龍山下寓廬小飲時予將楚游二君賦詩爲別
作此答之

霜風獵獵振槁木掩關蒼然古苔綠忽聞剝啄逃貽黷
故人偕來慰幽獨王君詩句無常倫天花吐秀雲繽紛
瓊章投贈屢索和欲分餘錦張吾軍曹君相識廿年久
少日才名絕儕偶世途偃蹇百不營獨恥文章落人後
眼中小兒紆紫朱上車亂點金根書聞人談道輒大笑
蜉蝣自詡衣裳殊越人逐臭飲狂藥顛倒妍媸樹齷齪
城闕桓東并一邱鄉誼無如此閒惡我今閱世多憂虞
寸步輒蹙千崎嶇久無志願絜豪傑所苦生業艱樵漁
陋巷打頭一間屋亂書堆牀雨淋漓累病不舛畱衰頑
空山有鄰互歌哭臥龍寒翠烟際開卷簾明月銜山來
空庭草長爲君翦對燭何惜傾千杯酒酣太息起言別

賦詩爲我壯行色人生乞食無江湖出處惓惓不堪說
廣文冷官不識曹黃綬謁選金門高飢驅四海各自適
百年它日思此宵燈殘僕睡送君出城鼓統統啟歸楫
遙聞清嘯霜天長山頂孤亭起棲鶻

薛慰農觀察

時雨

秦澹如都轉

細業

招同楊豫庭

觀察

叔懌

許益齋郡丞

士奇

餞予錢唐江李總

戎舟中日晚醉入鳳山門作長歌簡諸君

錢唐江水波接天江干蘆花飛滿船美人招我慰羈索
出門一笑山便娟吳山忽斷截山出對此躊躇動淒咽
故鄉隔岸不得歸萬里依人此將別船娘十五能畫蛾
急進我酒爲我歌人生有酒且快意起舞鸛鵲彈邏沙

河東太守老強項淮海風流錫山長宏農少年治會稽
豫庭曾署越守數年意氣照人何颯爽三君與我嗜好咸平與曩
軍能清談良朋佳日共行樂窮涂難得一日兼虬髯大
帥秉征纛官舫戢戢大於屋指揮立部娛坐賓豔服新
妝照川陸笙篴羯鼓雜巡前熊脂駝炙紛滿筵清歌益
急淚迸落醉倒不覺青山旋平生醉此經幾度滿目江
山頓非故十年俯仰洪濤中惟有病夫及枯樹陽烏晚
晚催酒巡暮烟慘淡橫江濱臥上篋輿入城去回望西
陵愁殺人

雪夜由汧口渡江入武昌

波聲洶湧朔風淒破帽輕舟欲渡疑燈火寒流分夏汭

角聲殘雪入沙羨

夷

一生作客難辭險千里論交有失

期予以與學使張孝達太史漢水西來我東至憑傳清

淚滴江薤

送寵夕武昌書感

十載營微祿飄零感歲華倚閭今地下乞食又天涯臘
鼓江城急音書故國賒妻孥居未定司命醉誰家

除夕寄諸弟

雪晴楚郭饑寒新爆竹聲中感病身骨肉無多誰念遠
鬢絲如此尚依人滔滔江漢尊前水漠漠鄉園夢裏春
同作鮮民孤作客天涯分過隔年貧

丙寅丁太恭人憂故兩年來無詩丁卯十二月將游
楚適渡江哭珊士柩中心悲悼不能已于言除夕在

武昌試院因賦此詩并補已前五篇俱入之戊辰歲焉自記

戊辰大春日書感是日先母生日

四十平頭節三千里外人無家長作客有淚尙逢春地
下俛觴感天涯鬢指辰百年誰上壽慟絕楚江濱

春初登鄂州城訪黃鶴樓遺址憩呂仙閣望夏口
翼際山東東滄浪四千里沔來入江沙羨斗起拄其頤
波濤萬古長春撞我生浙東屬江委溯江直至夏水汜
三旬偃臥官齋寒忽地登臨白雲起黃鶴仙人不可求
襦衡李白谿一邱江山俯仰百年盡人生何地非浮漚
何況烽烟莽城闕原野蒼黃戰爭血中丞百戰荆榛開
謂胡文忠公 畱與吾曹攬風日隔江城郭多酒樓萬家隱隱

春燈稠一聲玉笛不知處大笑題詩在上頭

黃鶴山上謁胡文忠公祠

江山無恙騎鯨去
酹酒城頭起大風
一代功高諸鎮上
十年身瘁百憂中
帝思成算終平賊
我恨同時未識公
天不憖遺朝野歎
九原誰起兩文忠

謂林侯官

發武昌明日渡沔登翼際山上晴川閣望鄂城寄

張孝達編修之洞

客游欲歸不可遏
一騎衝寒傍山出
長江雨急飛片帆
回首高城暮烟合
今朝日霽筋骨強
直呼筍躡渡漢陽
峩峩大別古翼際

大別山漢志言在六安之安豐縣爲今光黃間地而漢口之山本名翼際

水經注可證自元和郡縣志誤以此當大別而上有傑

光黃間之山遂無可攷邵南江諸君曾辨之

閣凌空翔丹迴碧聳五雲矗下接洪波轉坤軸帆檣如
薺履底來萬里端倪界吳蜀沅湘漢潏齊入江中流一
髮相低昂朱闌突兀倚天半幾人撫此悲滄桑博望槩
槎在何處一水盈盈隔東渡登高載酒無佳人獨去蒼
茫不能賦吾儕天意重合并況復身賤輕遠行魯山孤
塔斜陽落腸斷城中鼓角聲

夜過西塞山作

旅客倦水宿遄行務搜奇蘄黃山水窟夜靜烟景迷突
兀見西塞壁大荒江湄月燹不辨色千仞蹲熊羆其下
結廬舍漁釣猶相依茅茨亦隱隱燈火何夢差楚竹千
萬竿繞屋寒雅棲婦子自相守舟楫無遠移霜濃睡正

熟日出江天遲豈知門前路旅舶無停時嚴寒犯宵涉
魂膠慘失怡元真不可作三歎漁父詞

九江城外望匡廬山

長風送客尋陽城兀然高阜雲端呈青翠隱現不可極
但覺元氣包陰晴我生好游乏腰腳家居巖壑多遺情
時因乞食走萬里名山所過無畱程敷淺原圍三百里
東西脈絡此實并大江宛延走頷下氣勢直欲爭蓬瀛
我今過此迫冬月正攝烟霧韜菁英金光吾霄出天外
斜陽背見雪色明香鑪五老只髣髴耳際虛瀑猶懸聲
惜哉距山僅一舍籃輿無人舁我行白傅草堂遠公寺
此間不可無題名明年再過弗相失舉手遙揖匡君平

彭澤縣

小邑臨江涘山城四面連人家依竹樹雪色涸炊烟廢
壘沿邨戍輕帆下渚船媿他折腰笑下嚳尙畱田

小孤山

若有人兮江之濱翹鬟掠削迎遠人玻璃萬里啟妝鏡
蛾眉一笑千年春亭亭瘦影俯寒玉翠黛拖雲帶修竹
烟波凝望無限情卻抱清暉耐幽獨乘風誰訪江蓑家
紅樓雪滿細梅花遙擲溪山一鉤月隨郎夢到長風沙

夜過皖城作

天涯倦鳥幾時還千里江程未得閒瓶裏茶香秋浦水
枕邊燈影皖公山烽烟淮甸猶傳檄鼓角嚴城早掩關

爲想十年征戰苦至今緩鶴怨刀環

抵滬後薛慰農觀察亦至邀餞汪氏西樓賦此奉

別

客游不樂行路難僮囊覓路江風寒江干忽報故人至
一見直欲傾肺肝申江十里泰西市紅樓高棟修連蜷
鈿車咽填動大地珠簾疊幾遮遠天有時燈火動絃索
新妝萬隊齊壓闌游人目眩羈客醉朱霞綽約明星懸
君言此地可買醉斗酒不惜沽十千廣寒處子白如玉
樓主人汪藥君名桂珠喜文辭朱扉深鎖梅花邊鬱金堂深喜獨坐時
弄翫几琉璃箋焚香爲客注佳茗玉窗朝日生清妍一
尊屬我互強醉天涯此去誰相憐醞藉擯與文士飲風

塵不許凡兒顛古來茵溷各有數人生何地能無賢西
湖長官起太息春夢忽忽回寒璫黃金已盡拂衣臥坐
使日月凋朱顏而我淪落更誰似江湖乞食經十年蛾
睂相對已愁絕不須哀怨彈鵲絃斜陽急箭苦催別津
頭打鼓將開船傾懷痛飲豈易得明當萬里凌風湍百
年意氣重知己何能變滅隨雲烟桃花春水會相訪爲
我更置輓腳筵

舟中見九華及銅陵諸山

太白一去千餘年青山江上常依然白雲萬劫過不盡
而我又泛樅陽船北風昨發滙江涘挂帆瞬息一千里
蟻磯牛渚行夢中江山黯宋鬼神喜晨起已過蕪湖城

荻港流雪交縱橫銅陵萬峯駕濤出船頭飛舞來相迎
九華天半更奇秀烟光合離不可究忽然蒼翠排雲開
怒馬洪波更馳驟明鬢千朵空際梳天風吹落青珊瑚
倚舷俯水忽狂叫令人下折寒芙蓉

晚泊北固山下看金焦兩山

蒜山小泊待江湖形勝南徐久宋參東面晚霞西面月
夷船倚舵看金焦

夜歸寓季弟惠銘西郭老屋

又寄西頭宅誰分北舍租出原無善地歸亦是窮途冷
月閒門浸危樓老樹扶吾宗歌哭處終覺勝江湖

王子獻孝廉醫香以詩見投賦此酬之并柬其尊

人杏泉訓導 英瀾

日精金鑄霜花開秋山照眼佳客來入座數人足蔭蔽
新詩百琲投瓊瑰我生局瘵不稱意門巷絕轍牀生落
白項一羣競烏梟紇干凍雀常驚猜君獨胡爲樂相就
渥洼謬欲師駑駘精神炯炯出寸紙風塵一瞬空凡材
坐使龍鍾亦振竦石槃鑽木窮相迫方今大雅久凋喪
彫飾窳朽充尊壘越中小兒類狂譫打折瓦弔相嘻哈
搏摺義山得半字輒評屈宋當與儻濡須匠類各自樹
浮游冠服殊堪哀日逐至倡作名士身名滅裂同飛埃
得君英絕起傾袖震發聾聵鳴春雷我聞廣文善教于
閨門嚴肅如朝規詩書溫淑足家寶蘭玉羅列生庭階

就中僧彌尤秀出耆宿倒屣驚奇才
素戰已報淝水捷
一上暫暴龍門鬣盛年足儲
國家用餘力猶可凌鄒
枚願君益務根本業六經三史道所該
自來眞儒貴質
實千秋付託誰能儕金華先生種桃李
穀谿一權行當
迴歸看珠樹抱置鄴定聞我語軒雙睂
爲羣拜紀亦佳
事舍我就渾資嘲談城西吾宗侂同開
常幸餘光照蒿
萊海日清風近堪接
君家近居西郭光相坊明時王德輝太宰第宅絲垂坊中今尙有狀
元學士兩宅遺
壕流繞屋多古梅歲寒蠟屐會頻至
鯉
阡餘皆歸吾家
庭爲我浮春醕
予時仍移寓臥龍山下黃花菴

冬至至蕭山水西邨訪曹文孺縣令則已於前月
猝矣哭之三首

白華絳柑閣詩辛

六 越縵堂集

孤舟相訪水西邨問訊倉黃搵淚痕薄宦天涯從此了
平生交契幾人存傷心舊業惟詩卷回首經年隔酒尊
黃葉貧家山下路數君行迹一銷魂去冬予將楚游君
再來訪於龍山下
寓廬且以
詩送行

明經初戴進賢冠捧檄遲襄蜀道難祇有文章能損壽
須知祿命本無官田拋下溟紅顏泣金盡長安白眼看

一事知君差自慰故鄉歸死尙檀欒君就銓得四川
改江蘇以病歸

亂後文壇共輓推孫子王叔幾輩讓清才已支貧病經

滄海誰料交期促夜臺落日回舟成悵惘荒邨擊木獨
裴回祇今流水寒雅裏應有吟魂識我來

舟宿西郭外故居感賦六首

二百年坊里灰飛劫火餘先靈應戀此窮子竟迷居市
小人聲宋天寒柘影疏夢魂知更習隨意認庭除
笙歌趨社日蝦菜上河時游釣平生樂滄桑此夕思雞
聲非故巷星影見荒祠何日菟裘築吾心白水知
臨水篝燈閣當年此讀書行人猶指說吾事竟何如治
亂關天意行藏媿世儲昇平會重見來與結樵漁
簪歲出門去高堂送我行倚閭干日淚負土百年情化
鶴歸何晚瞻烏止屢驚對牀風雨夕畱取弟兄盟
野竹連喬木清時詠考槃城陰連下柴水色映工官地
以先芬重居猶陋巷難至今負暄麥閒說舊衣冠
及我生何戚長年宿水涯書畱焦土字藤發壞牆花歌

哭今誰寄江湖到是家把茅如可蓋負郭課桑麻

冬晚泊錢江寄懷宗人爽階時爲諸暨令二首

錢江東望樹冥冥仙令全家住玉屏清宴琴傳巖洞月
高齋燭散縣湖星郢中歌起懷親舍華頂雲來識訟庭
劉阮去思今滅否使君春在浣谿亭

君由天台移諸暨
前赴台時賦詩有

劉阮從今是
部民之句

花姥山頭劫火餘家隄萬柳亦蕭疏屢聞明詔求良

吏莫謂循聲出簿書接壤桑麻今有託平生筇屐事何

如元卿丹室元章屋爲報春來貰筍輿

晉前招予游天
台今更有五泄

約之

曉湖歸自京師以書來告賦此柬之

歲寒報說故人回奉母南榮喜舉杯一第艱難謀冷宦
君近以鹽大使改校官十年漂泊感清才田園亂後應粗大書史
塵封待重直用切開只惜君歸我將出還期雪裏載詩來
時予服闋將入都

雪霽後寒甚自山後步經武動橋譙公橋至明呂

文安故宅看水而回二首

積雪久噤戶偶出披茸裘寂寂門外路微有行迹畱斜
陽在西嶺寒光沍烟浮疏林半明滅澹映巖際樓凍見
微徑窄素疊平橋修曲巷靜如畫彌覺竹樹幽遠堞帶
暝色叢祠俯寒流鑿冰各造飯橋下人停舟

橋東枕大宅言是呂東閣樛木亦已荒

文安有邱第久
樛木園

零落徒煩縣官祭子孫定誰侂頭曾參政但畫一終
諾憂歸竟不召卅載歎宋寔頗殫土木功園亭恣揮霍
優游享大年昇平極聲樂門前一頃水微累袁江濁何
如青霞川至今纓可濯

謂沈忠愍
居霞川

雪後兩日泛舟出青田湖由魯墟至柯山游七星

巖夜宿沈瘦生家

出郭凌晴湖空明納篷席殘雪半在地依稀辨岸澤皓
然山四圍寒輝互迎射杳杳市里烟鱗鱗釣人宅舍舟
就柯巖澄瑩交水石凍潭隔魚游懸崖知狄迹寒雲凝
不歸夕照澹逾白予生耽幽遐藉此試蠟屐山樓近可
宿搜奇恣餘隙晚色益微茫月影爲界畫龕燈眩孤紅

松枝颭微碧清夢何寥寥忍俊北窗夕

次日至壽勝山訪曉湖并晤其兩弟及楊雲程上
舍同坐門外小橋看竹林殘雪

看雪意未已沿谿入前山故人喜相見頓解風塵顏未
暇叙別棕邀行田園間竹下數間屋仰見羣峯環老樹
蔭門左下俯水一灣睠素各言悟延清共相攀籬落已
消半隱見苔蘚斑橋小容列坐冥對未知還難得此賓
主悠然相與閒

日晚回舟出湖桑埭至三山看雪中晚霞

回舟溯湖埭日落含餘清積雪忽眩耀仰見紅霞生三
山濯鮮縞玉顏發微赭巒嶂色屢變棹崖光若傾近攬

洲渚豔遠帶邨落明樹薺亂暝烟橋虹媚初晴散點漁
綵采倒映霜鏡瑩凝寒富麗矚聊以饜我情